

憨
凶
大
師
著

圓
覺
經
直
解

陳鴻琛跋題



憨山大師著
圓覺經直解

陳鴻琛題



圓覺經直解

佛曆二五二〇
公元一九七七
年歲次丙辰十二月初八日
釋迦牟尼佛成道日
敬印叁仟本

註解者： 憨山德清大師

大埔定慧寺

新界大埔馬窩村

倡印者：

世界佛教友誼會港澳分區總會

九龍佐敦道鴻運大廈十五樓

香港德教紫靖閣

香港德輔道西一六四號西都大廈十五樓

承印： 大同印務有限公司

香港北角和富道九十六號

藏版： 新界大埔定慧寺

印造佛經佛像之十大利益

- 一 從前所作種種罪過，輕者立即消滅，重者亦得轉輕。
- 二 常得吉神擁護，一切瘟疫、水火、寇盜、刀兵、牢獄之災，悉皆不受。
- 三 夙生怨對，咸蒙法益，而得解脫，永免尋仇報復之苦。
- 四 夜叉惡鬼，不能侵犯，毒蛇餓虎，不能爲害。
- 五 心得安慰，日無險事，夜無惡夢，顏色光澤，氣力充盛，所作吉利。
- 六 至心奉法，雖無希求，自然衣食豐足，家庭和陸，福祿綿長。
- 七 所言所行，人天歡喜，任到何方，常爲多衆傾城愛戴，恭敬禮拜。
- 八 愚者轉智，病者轉健，困者轉亨，爲婦女者，報謝之日，捷轉男身。
- 九 永離惡道，受生善道，相貌端正，天資超越，福祿殊勝。
- 十 能爲一切衆生，種植善根。以衆生心，作大福田，獲無量勝果。所生之處，常得見佛聞法。直至三慧宏開，六通親證，速得成佛。

印造經像，既有如此殊勝功德，故凡遇○祝壽○賀喜○免災○祈求○懺悔○薦拔之時，皆宜歡喜施捨，努力行之。

慈山大師像



懸山老人自贊
 威威堂堂澄澄湛湛不設
 城府全無涯岬氣蓋乾坤
 目撐雲漢泥落今事門頭
 不出威音那畔無論為俗
 為僧肩頭不離扁擔若非
 佛祖奴郎定是覺場心取
 不入大冶紅爐誰知他是
 鐵漢只待彌勒下生方了
 這重公案

執學究石余謙敬書



大方廣圓覺修多羅了義經序

龔光祿大常書博士高請平章事充集賢學士裴

夫血氣之屬必有知。凡有知者必同體。所謂真淨明妙虛徹靈通卓然而獨存者。也是衆生之本源。故曰心地是諸佛之所得。故曰菩提。交徹融攝。故曰法界。寂靜常樂。故曰涅槃。不濁不漏。故曰清。

淨。不妄不變。故曰真如。離過絕非。故曰
佛性。護善遮惡。故曰揜持。隱覆含攝。故
曰如來藏。超越玄闕。故曰密嚴國。統衆
德而大備。燦群昏而獨照。故曰圓覺。其
寔皆一心也。背之則凡。順之則聖。迷之
則生死。始悟之則輪迴。息親而求之則
止觀。定慧推而廣之則六度。萬行引而

爲智。然後爲正智。依而爲因。然後爲正
因。其寔皆一法也。終曰圓覺而未嘗圓
覺者。凡夫也。欲證圓覺而未極圓覺者。
菩薩也。具足圓覺而住持圓覺者。如來
也。離圓覺無六道。捨圓覺無三乘。非圓
覺無如來。泯圓覺無眞法。其寔皆一道
也。三世諸佛之所證。蓋證此也。如來爲

一大事出現。蓋爲此也。三藏十二部一切修多羅。蓋詮此也。然如來垂教。指法有顯密。立義有廣略。乘時有先後。當機有深淺。非上根圓智。其孰能大通之。故如來於光明藏。與十二大士密說。而顯演潛通。而廣被。以印定其法。爲一切經之宗也。

憨山大師畧傳

（一）

大師諱德清。慕清涼法界故字澄印。別號憨山。乃選五
台之奇以喻狂性之歇也。系出金陵蔡氏。父彥高母洪氏。夢
觀音抱送而孕。誕於嘉靖二十五年十一月三日。白衣重包。三
依報恩寺西林和尚出家。九讀通儒書。禮棲霞雲谷禪
師落髮受戒。二六行脚。方出入燕晉。大澈大悟於五台山。世
血書華嚴經祈皇嗣。每落筆念佛一聲。夢遊兜率見彌
勒菩薩開示。三六遊跡東寧山。五子充軍雷州。而中興六祖道
場。弘揚佛法嶺南。六九返僧服。七三退隱匡山五乳峰法雲寺。
七十七復應官紳弟子之請返曹溪。天啟三年十一月壬寅詳示寐。

世壽七十八。僧臘六十。圓寂^後二十二年開龕。鬚尚增
長。如入禪定。非修行得力。那得金剛不壞之身。
現供奉於曹溪。大師道德文章。久而世重。其
著作有等身之巨。以夢遊集為代表作。以心經直
說為淺白了當。直指人心見性成佛。以圓覺直解
為最後著作。指歸一心。語重心長。
大師乘願再來。以大事因緣出現於世。其平生行履。
放身捨命。充軍南來。以中興禪門。斯蒼生之福也。
詳於大師自述年譜。修行者應奉為模範者也。

寬石余 謙拜撰并書



重印慈山大師圓覺經直解序

圓覺經者。佛入大光明藏三昧。文殊普賢等十二大士次第請問。修證法門。佛一一指示一心之法。因而經有十二章。諸家註述。由唐迄明。共有十五種。以圭峰禪師註述有六種為最多。蓋圭峰禪師於元和二年赴貢舉。遇道圓禪師。一談知世事之無常。求落髮。一日赴齋。得圓覺經。誦之未終。即感悟。道圓曰。此經佛授爾耳。有此段因緣也。慈山大師由曹溪歸隱匡山。於七十五歲時。禪暇展卷。以圭峰圓覺經畧疏與大鈔。文有所擇格。

（斯亦唐代文風所關。如道宣律師高僧傳。窺基
大師唯識述記。皆深晦難明。）義有所不達。義
不達則理觀難明。理觀不明則恍惚歧而無所趨
向矣。是以不得不寫此直解。以達佛意為主。而不事
文言。為便修行者易於明白。誠希有難得法寶
也。此直解為慈山大師最後著作。是撰於匡山
五乳峰。謙先^現於台刊續藏。卷後有程夢暘後
序。與慈山大師於天啟二年親筆書跋。跋書於

曹溪。斯為最後墨跡。殊足珍也。大師圓寂
於曹溪。天啟三年十月五日。年七十八。真身現存
曹溪。謙正思如何。將此直解重印。惟續藏刻本
字小難於流通。適南華居士由美返港。同到嚴寬
祐居士屋。參觀其所藏歷代內典刻本。得清初
圓覺經直解。字大清楚。至為希有。南華居士
義心景印二千部。分送海內外。以結法緣。其功德
無量無邊矣。寬石余謙



時年
七十二

大方廣圓覺脩多羅了義經直解卷上

唐罽賓國沙門佛陀多羅譯

明匡山逸叟憨山釋德清解

明新安 程夢暘覺我較閱

此經以單法爲名。一真法界如來藏心爲體。以圓照覺相爲宗。以離妄證真爲用。以一乘圓頓爲教相。以單法爲名者。論云所言法者。謂衆生心。圓覺二字直指一心以爲法體。此有多稱。亦名大圓滿覺。亦名妙覺明心。亦名

一眞法界。亦云如來藏清淨眞心。楞伽云寂滅一心。卽起信所言一法界大總相法門。體稱謂雖多。總是圓覺妙心。唯此一心。乃十法界凡聖迷悟依正因果之本。爲諸佛之本源。號爲法身。爲衆生之心地。故名佛性。一切諸法。皆依此心建立。故單以法爲名。其大方廣大。謂此一心。包法界而有餘。擴大虛而無外。橫該豎遍。大而無外。故名大也。方卽相大。又